

人物志

忠義

贛自文信國舉兵勤王邑之豪傑四應忠義之氣激於人心也及明之末孤城固守卒以死殉焉近日粵匪蹂躪捐軀赴敵鄉團義勇不下千百餘人蓋忠孝人倫之大者處為孝子出即為忠臣其根於天性易地皆然矣爰即其最著者分忠義孝友而紀之

宋

陳子敬贛州人以賞雄鄉里嘗從文天祥遊天祥開闢汀州子敬募集民兵屯阜口據下流以遏北船往來及天祥攻贛子敬與合謀忠效甚著空坑兵敗復聚兵屯黃塘連結山砦不降元軍以重兵襲其砦潰不知所終(宋史)

周泰真泰滿俱太學生天福子為茂叔先生十世孫世居愛敬鄉源頭德祐間元帥日迫

贛縣志

卷三十七

忠義

江上報急勤王詔下至贛贛守文天祥捧詔涕泣使幕下士賓都陳繼周召號郡中豪傑以義激發士衆泰真以賞雄鄉里素貫通經史且沈毅有謀遂盡散家財以召募義兵同弟泰滿率之詣軍門受命以功授泰真為秉義郎遂從尹玉等至江上尹玉等先禦敵兵敗戰死詔命天祥北使泰真等罷歸至景炎元年六月天祥開督闔於興國泰真兄弟復集義徒往從時元將李恆統兵猝至戰於方石嶺鞏信將軍死之泰滿隨亦遇害天祥逸去泰真脫身得歸遁跡山林二十餘年元大德七年卒

按源頭周氏譜牒元公之次子燾燾為李公潛之壻生三子縝縝繼繼於紹興五年自道州來省其舅氏李樸李格遂留居贛之源頭其縝縝仍籍道州又省府志載陳繼周率贛之義士歐陽冠侯等二十三家從文文山之臨安皆亡其名今考周氏譜牒所載泰真泰滿事蹟人氏及年月皆與史傳脗合其非時人所能僞誤可知意即當時二十三家之一所謂求諸野而得者與故補志之以明微顯闡幽之意云

明

湯宗贛州人建文時爲北平按察僉事上言按察使陳瑛密受燕王金錢有異謀逮瑛謫廣西靖難後召瑛還爲都御史窮治建文諸臣多坐奪滅恨宗尤甚捕至族誅

按宗族誅時有孫逃匿得免流竄他所經三世丁口漸夥猶播越未敢歸成化間禁已解弛有鳳麟者始由本籍貢領知州職而未落官其子顯伸暨孫日潮等乃召號同支悉歸故里今邑四會鄉上牌坊及善坑湯氏皆其裔也

雷濟蕭庾皆縣人濟聽選省察庾義官都御史王守仁鎮虔知二人才略置之幕下守仁平橫水桶岡三泐諸賊二人計畫居多而誘利西池仲容卒令死穀中計尤祕甯王宸濠之叛守仁過豐城聞變謀疾趨還贛州發兵討賊而南風正急舟不能動相與焚香籲天有頃風轉遙望追兵將及守仁家屬在舟遂與之別而自呼一小漁舟懷印勅與濟庾同載倉卒分擢向守仁指取船頭黃蓋曰到地方無此何以示信行至新淦城下戒嚴不得泊出黃蓋示之乃開門迎入因獻計曰今歸贛稍迴遠宸濠徑襲留都直向北京兩京無備不能救不若就吉安討之便適吉守伍文定來迎遂定策誓師詐爲兩

贛

縣

志

卷三十七

忠義

二

廣總督火牌兵部咨文及各府報帖互相傳遞以撓其進止又作間李士實劉養正書離其心腹多寫告示並招降旗號木牌等項動以千萬計濟庾等粘掛告示標插投放木牌皆乘黑夜冒風雨涉險破浪出入賊壘中所遺謀多被賊殺或焚溺死二人以天幸獨全其陰謀祕計諸將士皆不與知事平大駕諸軍南來無以爲功百方搜羅以洩其毒搆陷冀元亨龍光與濟庾等欲置之死地在冊功次俱削去元亨被執二人竄匿未幾庾病死守仁親爲文祭之濟後謁選得四川龍州宣撫司經歷蓋蠻府云

斯邦爵贛州衛指揮僉事嘉靖十八年程鄉賊王五蔡子顯等聚衆劫掠邦爵與王簿蔡思賢領兵禦賊戰於白土邦爵身被七鎗死思賢亦同遇害有詔討賊尋執子顯等伏誅

論曰國家於死事必加褒卹不苛責其當否固式怒龍避螳螂之意也若郭滿兒挺身代主甘刃如飴則僕而義者爲人所難斷養又非所論與文文山先生灑泣勤王當時贛州大姓起義旅相從者如歐陽冠侯等凡三十三家陳繼周父子居幕中卒

死王事尹玉以孤軍力戰與麾下五百人俱死五木無一降者田橫島客豈得專美於前乎

盧觀象字子占負才倜儻萬歷二十五年選貢入南雍授河間通判天啓元年修屯政上條議改天津衛判官遷河間屯田同知轉左軍都督府經歷時左光斗撫南畿議復戶部尙書汪應蛟所創屯政論者以濱海斥鹵澇旱不時勞不償費觀象力主修復條陳九議鑿鑿見諸施行繼任張慎言嘉其才力特疏薦薦值權璫勢熾遂引退居林下十餘年九郡邑利弊輒爲當事侃侃議論興除時值虔撫萬元吉困守孤城觀象知莫濟與老友月世光曰吾池止水與君共盟遂具冠帶北向泣拜率其子玆與妻妾家口四十餘人先赴池隨從容與世光相揖握手而歿

謝讚號謙吾詔母弟天啓三年以明經任南康府教授推陞馬平知縣辭不赴歸林下十餘年值城潰與子允孺姪允斗具衣冠拜哭闔室俱殉

劉曰佺字勿仙思誨子性高潔爲文古澹省渺論者擬之劉蛻元結父喪三年不脫纓經

輜縣志

卷三十七

忠義

三

弟曰佺天啓七年舉於鄉出倪文正公元璐門至崇禎十五年佺始舉禮經第一會有季弟某之喪痛哭曰弟之歿也猶不失爲昭代文學之儒正不知爾兄埋骨何地時海內已鼎沸兄弟奉母避亂零之需巖佺後復入贛同楊萬固守闔室俱死子良茲被殺母黃氏曰佺妻宋氏自縊曰佺妻謝氏婦周氏俱赴池水死弟曰佺妻曾氏姪良胡俱投井死曰佺僅存長子良端以文學世其家曰佺佯狂避山中尋以哭母兄卒

月世光字九照家貧力學萬歷中以選貢授萬州判官棄官歸經年不入城與諸子課藝家徒四壁灑如也丙戌避亂入城城潰闔室殉世光携幼孫趨盧觀象宅同赴池死時年九十有二

王純字不已行端方性嗜學諸生時見知於督學使者侯嗣曾乙酉選貢兄統郡庠生城潰同赴孔子廟死遺姪芝莢姪孫宏俱有聲膠庠

楊萬言字猷可貢士貧而好學恆拾道間遺莧以爲蔬城潰率妻王氏及子三人同赴池死

孫經世字九雲驍騎將軍蘭長子性醇厚姿秉敏達崇禎十六年貢士母喪不得授官仲弟緯世敦孝弟周旋家計悉緯世爲之季弟紘世庠生善讀書文高貴清潔自愛學者每比爲叔度時兵事急紳士有逸去者經世與緯紘曰吾家自毫以簪纓世受恩若竄鄉落豈蔭冑所宜時母張宜人柩在庭乃環哭曰安得厝吾母於父穴俾兒輩死後得相見一處耶及圍急率家人泣拜先靈拜訖舉火自焚緯妻蔡氏觸於姑張宜人之柩者三不死遂與紘妻王氏率男婦赴蓮花塘死止遺男日廣一人卽麟貴登鄉試

吳時珍字席之郡學生事親孝人無間言所授徒皆名士屢躋鄉闈子祚宏能讀父書邑庠生城潰母柩在庭時珍纒紼執杖與子侍柩前兵曰此孝子也不忍殺爾可隨入營珍曰吾所以纒紼在此不忍離吾母耳遂接刀自刎妻劉氏媳孫氏縊於家之東樓郭其昌字文欽三歲喪母及就傅自傷不識母面塑母像置塾中晨夕拜跪教行力學補郡庠生屢躋棘闈鍵戶課兒所著有史評易解圖說又雅好施予計每歲入悉以周急值歲饑出廩糶賑鄉里不給妻范氏以簪珥廣市杭稻匠之藉以存活者甚衆避亂山

贛 縣 志

卷三十七 忠義

四

中聞事急具衣冠北向拜遂不食吟有澱血忠魂灑一城句捧母像而逝妻范氏號泣三日夜撫棺殉

聶邦晟字時卿少嫻韜略善騎射崇禎六年辦事吏部八年冬授湯陰主簿流寇熾從經略盧象昇軍前賞畫功加州判以父母喪歸虔撫萬元吉用邦晟爲監紀軍務城潰同次子士燦死妻劉氏幼子士煥及闔門殉者百餘人長子十煌遊粵東後歸應恩貢董纘卿邑庠生天錫嫡孫子五人長齡兆薊遠避擊次正宸薦舉正朝庠生俱死存正國正章章應歲貢

謝明登字君祿邑庠生桓愨公詔從子城陷語妻羅氏曰我名門兒媳義不受辱遂率子佛生俱赴池死

馮復京邑學生同妻張氏鹽洗焚香拜祖登樓對綸

莊曰敬字文思被執過祖塋見故母存柩慟哭不食死妻金氏避於宣明樓自縊趙光裕受贖經歷弟連城男雄飛俱庠生同赴火死

張大誥字合浦邑庠生守城時登城覘敵爲飛砲重傷死男元鑑元鎰俱殉存鎮補文學
陽麗天字美中黃金人孝本十九世孫少以孝聞及長就傳輒掩卷泣語友人曰一日不
見父母余心如裂其孺慕如此篤志力學髫年入郡庠凡經史百家鍵戶搜閱寒暑不
輟善古文詩詞几席無時藝然每試輒冠丙戌圍急正衣冠北向再拜同妻鍾氏赴清
水塘曰吾與若可不負此塘名矣遂從容携子溺死

余學義以母周氏年老不忍遽死母曰汝父命名學義謂何勿以我爲念汝且出言訖閉
戶自縊義急解不甦遂赴水妻鍾氏曰吾夫殉母吾何忍獨生隨溺媳邱氏又携二子
以殉存男仲光邑庠生

謝明登郡鄉約語妻楊氏曰汝年尙壯當有憐汝者但善撫予幼孫新君楊氏曰君平日
講約何至出此言遂携孫投井明登隨整鄉耆公服端坐自縊

郭子魁里民妻鍾氏縱火自焚存男尙遷

黃甲字升衢部民赴火存男顯德孫廷珩等俱庠生

縣志

卷三十七

忠義

五

徐餘慶部民率男婦十餘人赴祥應坊塘死有孫元邑廩生

郭以和部民携妻巫氏赴宅後塘後浮水上猶然握手不解

陳必昱合族三百餘人盡以離死止遺士鳳一人後登鄉薦

金之杰字元超翰衛生潛立宅內曲巷中手刃多人力疲攜妻陳氏赴塘死

周葵翰衛軍偕弟及妻兒十餘人閉門舉火焚死

陳君猷邑隸卒聚妻兒酣飲積薪自焚死

劉思光字匪居邑廩膳生丙戌紳士練鄉勇助萬元吉守城思光分守東門露宿城上者

四十餘日城陷不屈衆兵鬻殺之弟用光字端生邑庠生城破亦攜二子先魁卽魁赴

後園池中死

劉觀光字盥而明末與劉曰佳倡義守城登埤枕戈捍禦不遺餘力每慨然北望曰張許

男子耳吾雖不及爲朝廷領一州邑忍以父母之邦委敵耶拊膺仰天而悲聞者皆激

壯有死志歷四月食盡城陷觀光聞伯兄思光爲亂兵狀殺急求其屍得一足負歸妻

胡氏先期泣曰寇深矣民心雖固終不支劉氏婦安能爲戎虜耶與家人結東待變城破相率投屋後積潦中池爲之滿既

王師定亂觀光歸瘞衆屍獨氏氣未絕因掖起調治之得甦隱居終其身曾孫宗魏官翰林(據忠雅堂文集補以上舊志)

劉起鳳字來儀贛縣人諸生由勞山鄉移居餘城自署其堂曰就義堂丙戌春遣二子還勞田妻曾氏出簪珥并金佐軍需起鳳謁軍門授以監紀界之司馬旂幟十月四日城陷起鳳與曾氏廝衣冠北面再拜甲士露刃搜索拷掠不屈夫婦俱被戮婢子埋屍牆下後其子貢以歸葬(府志據姚士廉死事紀略增補)

馬文亮字允安號弼臣贛城人贛標中營把總嘉慶元年湖北白蓮教匪滋事文亮從江西總統官袁州營副將樊雄楚往勦六月五日接仗於孝感縣之胡家寨五柱市劉家大灣諸處被匪衆刃傷臂脅而死同時遇害者贛州左營千總蕭鵬飛蘇定凱中營把總朱道勝伍思勝左營把總劉元章後營外委劉賢貴南安營把總黃超雲俱得廕其

贛縣志

卷三十七

忠義

六

子陣亡兵二百餘人(府志新增)

畢開琥字虎玉贛城人後營把總道光二十一年粵東夷匪滋事奉派出師在鳳凰岡接仗中礮洞穿其腹臟腑俱糜爛所佩刀陷入皮肉中時贛兵有同死者而開琥尤烈廕子文通襲雲騎尉世職(府志新增)

廖人俊號子千邑增生大由鄉人讀書負奇氣有勇略咸豐六年粵逆上竄圍城土匪讎應各鄉滋擾俊首倡團練巡道汪軫聞給令招募得壯丁數千聯團分層操練挑選千五百名身親教之號銳勇所向克捷逆呼爲山豹子擒斬徧貼僞示執旗誘脅賊目鍾金聲曹鐵匠賴周彬等每聞警星夜馳赴連勝六十仗斬首二百七十二顆克復三十六村莊擊斃賊千餘拔陷賊良民無數奉委搜勦信豐沿途力戰常以八十人破賊數千屢斬賊魁焚賊巢賊恨甚瞰俊帶勇數十人招安王母渡甫進口賊萬餘突出四面兜裏俊手刃四賊力竭同軍功羅貞吉田勇廖立貴劉傳紳李正萬等陣亡賊斃割其尸越旬日子才鏖帶勇追勦獲一掌樹枝上書廖某手八年癸奉

上諭立傳人祀府城昭忠祠與連平州學生鄭蘭次年勦賊陣亡俱照馬兵例卹初俊擊賊姪廖望齡力戰死後儒童鍾聯孟被執罵賊不屈死

鍾聯孟字卓夫長洛人儒童少孤孝事孀母習舉業喜讀兵家書咸豐六年賊匪四起孟年二十隨同紳士廖人俊鍾凌雲等帶勇防勦收復各村莊七年正月筭營壩賊闖出界招安乘虛襲營孟聞憤甚督勇追勦回至隘口遇賊假冒田勇孟不及防突起圍殺將屍寸磔其子殮血衣歸葬贛守叢占菴哀之表其衣冠墓

許錦標長興鄉人由行伍拔補會昌羊角營外委咸豐三年癸丑土賊犯太和贛南道周玉衡督兵捕勦擢把總時河水夜漲浸溢營壘標急請移營未許黎明賊大至兵敗周失馬被圍標以所乘馬與之持矛步殿且戰且走周獲免標力竭而亡覓屍不得僅拾一靴歸與同時殉難之蔡汪湯三人合葬城西郊標得邀

卹典世襲雲騎尉三次恩騎尉罔替

卓大林本城南坊人由行伍歷陞營杭州協副將咸豐十一年十一月浙省城陷督兵勇

贛縣志

卷三十七

忠義

七

巷戰力竭死之奉部議給雲騎尉世襲襲次完時給與恩騎尉罔替

蕭秉忠咸豐初以捐資練勇防勦出力議敘縣丞分發福建試用同治二年奉委赴漳州留辦軍務三年九月粵逆突至城破賊執不屈而死浙閩總督左宗棠奏請入祀漳州施忠祠

鍾元良愛敬鄉庠生成豐丁巳粵逆竄驚溪營帶南塘局賊數百名往石壠堵勦賊大至衆寡不敵遇害割去左耳教習李彬禮及謝萃華三兄弟力鬥被戕斃手謝才波謝耀教周昭禹同日陣亡

韓道美四會鄉人與族人聚秀瑞祥遠橋咸豐六年督勇勦賊力戰陣亡共三百餘人里人合祀昭忠祠邑侯震占菴旌盡節全忠額

吳寶麟城東坊人武生任南安營把總咸豐三年堵勦上猶營前汛突遇賊匪胡志堯擁衆撲營手刃數賊力竭死賊得其屍割之奉部議給雲騎尉世職襲次完時恩騎尉世襲罔替

蔡元陞城南坊人由行伍任橫岡營千總咸豐五年隨按察使周玉衡督兵勦賊入吉安城賊圍之晝夜防禦明年正月城陷力戰死之同時吉安千總謝明亮與後營外委黃萬成屢次出城接仗及城陷皆遇害附祀吉安周貞恪公祠

胡殿魁廬陵人寄籍贛縣爲中營千總咸豐五年隨按察使周玉衡總鎮阿隆阿沿途勦匪至萬載寨下遇賊接仗奮勇與萬安把總王逢亮力戰陣亡

李元發贛縣人署龍泉把總咸豐六年逆匪踞城帶兵往勦七年賊撲黃塘及塔嶺山馳赴被賊裏擊陣亡

林永崇城南坊人泰和把總咸豐五年隨參將遮克敦布攻圍奉新縣城奮勇受傷陣亡蔡玉祥城南人署南安水城把總咸豐八年逆匪攻陷南安府城率兵勇抵禦衆寡不敵爲賊所戕以上八人卹典與吳寶麟同

文學昭本城人城守把總道光十三年米市街救火奮不顧身受傷殞命詳奉部議給其子文廷恩蔭生一次

贛縣志

卷三十七

忠義

八

戴文斌本城人後營把總咸豐五年帶兵勦賊接戰於安福楓田萬載寨下所殺無數嗣

隨按察使周玉衡禦吉安府城及陷死之附祀吉安周貞恪公祠

宋肇伊咸豐辛酉科拔貢 朝考一等七品小京官刑部奉天司行走丁外艱回籍時陝

甘總督楊岳斌新赴任過贛招與同行爲軍營參辦五年三月兵變肇伊方理文書遇害贈知府銜廕雲騎尉世職

韓修梅廩生咸豐二年奉檄襄辦城廂團練六年賊踞大由四會兩鄉修梅請官兵聯鄉團擊賊次年賊自信豐過牛嶺復備齋糧招嘉廣二勇七百五十名堵勦費二千七百餘金以功保舉教諭旋積勞成疾卒

鍾義芝州同鍾仁聲廩生俱白鷺人逆匪蹂躪地方驚溪與興國萬安鄰賊所必至且夕團防咸豐丁巳十一月吉郡敗匪上竄驚溪義芝父鹽提舉仁綜給米供軍仁聲弟文童仁玲督催火藥仁聲督勇迎擊於田心洞殺獲頗多而賊日益衆摧鋒陷陣死義芝與從兄文童鍾義誠督帶田勇鏖戰官村柵下力竭陣亡百長鍾愈袍素善拳棒衝賊

隊受傷數十力疾殺賊歿於陣什長鍾仁聆舞大刀巷戰中礮死衆潰仁縈仁於同諸
生鍾豫基監生鍾作霖皆在局遇害時陣亡隊長鍾義忻鍾義鉦鍾隆瀝陳步高陳宏
度五人耆民鍾帥哲鍾相賓醫士鍾良書鍾仁藝從九鍾顯超儒童鍾仁赤鍾仁學民
勇鍾采南鍾仁圮鍾義官鍾隆勛鍾仁鎧吳啓才等十三人皆爲賊執死難巡撫劉探
訪入奏得邀

卹典義芝世襲雲騎尉襲次完時降襲恩騎尉罔替仁歷世襲雲騎尉

劉興廉劉昌贊謝盛龍俱監生董率玉田鄉團團務丁巳十一月賊由鶯溪涇境率勇會
勤斬首數十級越二日賊大至衆寡不敵被掠路經滴濫水興廉自溺死昌贊盛龍以
罵賊遇害而信豐廩生劉銘琨寄居玉田幫辦團練亦是日陣亡村民蕭象環劉楚相
劉以周劉慶隆謝榜成謝期信劉雲祥劉器龍蕭楊科劉波文林士仔劉世純等十二
人均激烈勇潰援絕象環猶力斬執旗者四人慶隆手刃紅旗賊目一名餘皆斬賊力
鬥歿於陣又契真寺僧恆吉持矛殺數賊死於叢刃時死難者七百餘人並有隣村田

勇不知名氏者惟茲十七人其死尤烈云

盧世芳石橋坑人宋文欽橫岡人同局紳陳錫疇往勦南康潭口土匪於鷗潭陣亡同時
禾齋樹下人黃體繡亦死於南康大塘口四圍田勇李亨福周昌貴曾廣仁林華珍李
亨發曾繼善曾繼錫郭長生刀長生則死於信江茅店局勇成光禘成光芹成朝澤則
死於梅林對河高堰洋塘局勇曾家祿蕭永延譚先仍羅富志等則於楊仙嶺戰死焉
劉生悞愛敬鄉監生丁巳冬督勇禦賊鶯溪時賊大肆掠悞率鄉人蕭際棟蕭際培劉年
春劉生悞劉來古仔劉昌宗劉能生俱力戰死而林世富許大蒼許啓侗許文質禦賊
清溪玉田建節局勇郭本清鄧東斗謝井長徐南宿鄧厚滋劉雲龍禦賊田村陳英价
陳長燧陳永章黃振修卓大漢丁善桂游東平卓叩塔卓鵬化陳長伏等堵禦各村皆
奮勇陣亡

鄖三現七里鎮團勇丙辰七月逆匪至沙石埠對岸三現與郭嘉勅舒翼銘朱光福彭萬
福邱經緝黃學諄邱人富袁獻芬等會合官兵過河勦賊陣亡同日桃源洞人張光盛

亦戰亡里人立昭忠祠祀之知縣叢占鼈額以忠烈維昭袁獻祐記又沙河屬田勇林文珠林文瓊亦於是時陣亡

鍾萬洸高樓田勇同族萬澆萬浚尙賓葉大材謝世德謝其貴邱光柏嚴相恆龍宗明龍喜生嚴灶生王大桶等賊匪逼脅時聯團力堵陣亡是役也官軍失利賊焚掠無遺村民盡逃入城地方官分給銀米挑壯勇七百餘派紳士謝其詔等分巡隨同打仗巡道汪以忠勇同獎之

賴其鳳章水鄉馬坵團勇咸豐六年三月潭口土匪倡逆踞蟠龍墟馬坵連粵逆進逼水西下馬石盞蕭等姓居與賊近密聯各村舉旗勦殺燬賊營二十餘賊退散於對河博羅等處紳耆因設局募勇結營於馬坵賊潛渡擊之淹斃者無數九月廣賊渠狄火姑統賊衆由信豐至其鳳與賴其盛彭方秀劉聲彬劉教科殷道平殷道萬黃萬洋黃勝崑黃勝蕢何發貫邱定榮曾攀珍曾攀相鍾明標鍾正思李謝壽謝永高朱兆金朱欽青等戰死賊去紳民於蟠龍墟私建昭忠祠立木主祀之

賴 縣 志

卷三十七

忠義

十

朱光謀章水鄉黃金村團勇丙辰粵逆上竄土匪應之各村紳士率練勇合力堵禦及賊大股至勢不敵光謀同謝宗華蕭寬法協力禦之陣亡者朱明湧謝宗裕謝宗伴黃其林周昌注周昌廷周昌潔周基綵蘇本應羅時陽羅明湖李明倫蘇茂星李斗仔共十七名餘衆入城協守巡道汪與高樓沙石埠等處團勇同名之以忠勇

李繩信梨園背團勇粵逆逼水西鄉團紳矜率田勇四面截殺於鵝潭紮營與對河賊相拒隨同官軍攻破潭口賊穴其奮勇陣亡者繩信同劉金茂賴日菓胡雙巴仔藍聲榮謝本文李長生仔蕭上海藍家倫鄧朝恩宋文欽張光珠童世遵明秩河曹得標鄔有樞梁文彬吳興祿溫賢祈謝龍仔李永洋賴和和蕭國茂何會生等二十四人尤烈村人建忠勇祠於胡邊祀之

王勝彪沙石埠局勇與程經杰王世釗何現琮李興照乾祥隆壽純英純蓮賴土生劉楊先安歌鄺名鴻傅長妹隨同局紳張學鏞等各處堵勦奮勇陣亡其郭年昌才 李儀柯儀觀儀棕劉敦傑王正高永湖俱遇賊逼脅不從先後遭害紳民於沙石埠墟私建

忠勇祠祀之

陳傳曜號春山本城人歲貢生世爲將家子篤志力學咸豐三年巡道周玉衡委辦團練募義勇數千爲守城計籌糧餉造器械先事預防六年賊撲城督勇守禦料量火藥口糧衣不解帶者五六十夕圍解隨壽鎮兵攻勦澤口韓坊等處虛張旗炬賊驚潰逃七年同遮鎮軍攻復壽城以功保選萬載訓導再授崑山知縣加知州銜未赴積勞成疾卒所帶鄉義勇前後陣亡羅斗湖等一千五百九十四名祀忠勇祠名俱詳木主

彭可諒劉祥高王母渡田勇隨局紳彭兆治等堵勦賊匪於石原坪潭埠等處奮勇突陣爲賊攢殺時前後戰死者劉祥嗣劉仕進李純均謝善棟蕭先適羅禮年譚南斗熊兆先鍾八月仔鍾祖鈿劉惠臨劉聖連等三十餘人遇害四十餘人儒童劉鼎昌賊獲不屈自刎死李振宏請勇協勦遇賊死

黃萬晟道光二十三年從軍粵東勦辦夷務出力保加六品銜咸豐二年補信豐汛外委六年丙辰隨同周貞恪公調守吉安城陷殉難奉

贛縣

志

卷三十七

忠義

十一

諭世襲雲騎尉(同時殉難事見前蔡元陞傳)

韓大秀大埠保泰勇與鍾正傳張玉成李繼璋曾聖脩等咸豐六年隨同局首鍾學昌等團勦各處七年九年解信豐城圍奮勇陣亡者計一百七十八名名詳本地昭忠祠木主

劉亨千劉衍渭長興玉田人咸豐丁巳冬率勇戰賊兵潰力不支俱爲賊殺時劉顯忠劉嘉祥二人被執厲聲罵賊死孫慶祝亦死於難又楊梅人曾得珠曾揚芳皆爲賊所執俱不屈死又羅蘊章文舒欽周德優火壽五人同在玉田陣亡者

曾維翰邑庠生楊梅人咸豐七年冬吉郡敗賊擾境督同局勇會勦獲小勝越二日賊大股至兵潰被執脅之從翰厲聲曰恨力不能殲爾醜類旣被執夫復何言賊怒殺之劉鴻烈長興玉田人丁巳冬賊起同嫂李氏奉母高氏避於麻姑壩母曰我年老死不足惜爾輩當走避李謂烈曰叔宜速逃我婦人義從姑死不聽俄賊大至烈與義兄盛拔挺戈門力不支俱被殺高與李同時死難

郭觀光雲泉良富人分居興國均村咸豐七年冬奉憲倡義團勇賊至親率胞姪葵四子苑督同勇據險堵禦衆寡不敵俱死於陣

劉繼瞻劉紹嶧石平樟朱體茂盧大章龍下埠局勇俱於咸豐六年八年隨同首呂明通李斌元各處堵勦奮勇陣亡而下峯山人劉箴筒名元松夜赴軍營求助賊獲之支解寸磔而死

江上選上猶汛把總咸豐 年賊竄擾油石墟地方督帶兵勇防勦身先士卒奮勇陣亡